



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

De Offertorio usque ad Præfationem.

Nutzungsbedingungen

[urn:nbn:de:hbz:466:1-54780](#)

quomodo vitam suam omnesque ejus partes,
quæ ex diebus, quibus supervicturus est, com-
ponuntur, imposterum cum fructu æternū
duraturo fidei suæ conformiter impendere, &
tentationes Dæmonis ad fidei veritates reflecten-
do superare possit & velit juxta illud 1. Petr. 5.
*Adversarius vester Diabolus tanquam leo rugiens
circuit, querens quem devoret, cui resistite for-
tes in fide,*

De Offertorio usque ad Praefationem.

DUM Sacerdos panem & vinum offert Deo,
hæc oblata postea Deus convertit in sacra-
tissimum corpus & pretiosissimum Redemptoris
nostrí sanguinem. Sic quidquid à nobis Deus
recipit, longè melius reddit. Offer ergo Deo,
dum in Altari panis & vinum ei offertur, tu
quod habes, & dic: nihil habeo magis meum
quam me ipsum, nihilque magis à me mi Deus
postulas quàm me ipsum. Offero ergo tibi me-
moriam meam, intellectum, voluntatem, ocu-
los, aures, linguam, cogitationes, verba & ope-
ra, ut hæc omnia in melius convertas. Et sicut
panem & vinum, quæ tibi modo in Altari offe-
runtur, in sacratissimum corpus & sanguinem
Christi convertis. Sic obsecro intellectum me-
um in intellectum Christi in tantum converte,
ut cogitem, quæ ipse cogitat, similiter volun-
tam meam in ipsius voluntatem, ut non aliud
velim, quàm ipse velit. Pati modo oculos,
aures, linguam meam, ut videam, audiam &

B

loquar

loquar ut ipse, & jam non ipse in me, sed Christus in me sit. Frustra cavillantur Hæretici, quod Sacerdos panem & vinum offerens dicat se offerre immaculatam hostiam panem & vinum, item se illa offerre pro peccatis. Nam panis & vinum vocantur hostia immaculata anticipato, quia mox convertentur in corpus & sanguinem Domini, quæ sunt hostia immaculata. Vocantur autem hostia pro peccatis, quia sunt materia sacrificii, ex qua fit hostia pro peccatis. Sacerdos lavans manus examinet, & simul Missam audiens, an nihil mali conscientia ei exporbrare possit, quod veræ innocentiae, puritati, virtuteque sanctificati, quâ coram Deo comparere fas est, aduersetur,

A Prafatione usque ad Consecrationem.

S. Gregorius Magnus constituit, ut in Canonie adderentur hæc verba: *Diesque nostros in tua pace, &c.* quanto profundiùs in Missæ arcanâ descendit Sacerdos, & Deo in terram è cælis advocando, eumque in manibus suis ponendo fit vicinior, eo quoque majori cum attentione, timore, reverentiâ & amore erga ipsum se unâ cum ministrantibus Missamque audiētibus gerat, necessum est. Attendant itaque quām diligentissimè ad ea, quæ agit; eum gravitate ac modestia signa Crucis exprimat, omnes sacri Canonis orationes cum devotione pronuntiet. Quantum ad eos, quos Deo commendatos vule in *Memento* breviter & perpau-

cis,